



Aningaasanut Nunanullu Allanut Naalakkersuisoq

Pineqartoq: Qasigiannguani sanaartugassanut aningaasaliissutinik allanngueq. - Suliaq nr. 01.31.06/06-00177

Naalakkersuisut **inassutigaaat**,

- 10,7 mio. kr.-nit kontomi pingaarnermi 80.00.10 Sanaartugassanut Iluarsagassanullu Aningaasaateqarfimmit nuutat, isertitatut nalunaarsorneqassasut, kontomi pingaarnermi 87.72.13-imi suliassamut nr. 110.97.014 Qasigiannguani B-252-ip aamma B-253-ip iluarsartuunneqarnissaa, aningaasaliissutit 10,7 mio. kr.-inik appartinneqarlutik,
- kontomi pingaarnermi nutaami 87.11.05 Kommunitut tapiissutit, suliassamut nr. 110.78.015 Sanaartugassanut tapiissutit, Qasigiannguait, 10,7 mio. kr.-it aningaasaliissutit ikkunneqassasut, aamma
- Qasigiannguani B-252 aamma B-253 Qasigiannguait Kommunianit pigineqartutut uppersaasiorneqassasut.

Aningaasaqarnermut Ataatsimiititaliap oqaaseqaatai

Aningaasat qinnutigineqartut Qasigiannguani utoqqaat angerlarsimaffiannut paaqqutarinnittarfiutigisumut eqqarsaatigineqartut ataatsimiititaliap paasivaa. Aningaasalli suliniutinut aalajangersimasunut missingersuutinut ilangussat malillugit atugassiissutigineqarsimangillat. Suliassanut aalajangersimasunut atugassiissutigineqarsimangitsut aningaasaliissutit akuersissutiginiisaannut ataatsimiititaliap inassutiginnissinnaangilaq.

Aningaasaqarnermut Pisortaqarfiup Ilaqutariinnermullu Pisortaqarfiup tusarniaanermut akissuteqaataat aamma ataatsimiititaliamit sakkortuumik taperserreqarput taamaattumillu qinnuteqaatip akuersissutiginiissaa ataatsimiititaliap illersorneqarsinnaangitsutut isigaa.

Ataatsimiititaliap suliaq ima isikkoqarsoraa, Inatsisartut suliamut akulerutsinneqartinnagit ataatsimiititaliap isummersinnaangitsoq.

Taamaattumik Missingersuusiorneq pillugu inatsimmi § 25, imm. 2-mut ataatsimiititaliap innersuussissaaq, taamaattumik qinnuteqaammik matuminnga suliarinninnissaaq Inatsisartunut ataatsimiititaliap inassutigissavaa. Tassunga atatillugu suliap isikkua eqqarsaatigalugu suliap ingerlateqqinneqarnerani KANUKOKA aamma tusarniaaffigineqassasoq ataatsimiititaliap siunnersuutigissavaa.

Aningaasaqarnermut Ataatsimiititaliap aalajangiinera

Tamanna tunngavigalugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarsinnaangilaq**.

Inussiarnersumik inuulluaqqusillunga

Ellen Christoffersen

Aningaasaqarnermut Ataatsimiititaliap siulittaasua